

徐福店小宮姑毀容截鼻處志慕道贈之

毀容截鼻志彌堅爲脫塵緣結道緣一著根源超等輩兩通盟  
誓透青天三光密照開靈慧四大冲和道漸傳光綻五明常不  
夜六波羅密吐金蓮七情除滅圓明聚八洞神仙同受宣九曲  
明珠穿頂過十方世界任周旋

海市詩 並序

暫別東牟西遊登郡漸叩古黃西臯遇海市垂光顯異乃與道  
合真也故曰皇天發泄大道舒張披三光而下降稟一氣而上  
昇萬化人間莫知其道也是乃長養諸天大地冲和四序炎涼  
洞煥太空化生玄象混同萬法之根源符合大羅之眼目因借

道藏輯要

雲光集

六

胃集九  
又十一

東坡韻述懷

水晶宮殿鎖晴空萬象澄澄碧海巾月裏姮娥觀寶鑑日中仙  
子翫珠宮乾坤幹運明眞理混沌重開越勝工萬道毫光攢坎  
虎千條赤氣罩離龍滿空聖眾扶圓蓋玉女金童策主翁紫霧  
紅霞纒綻處玲瓏七寶現威雄神風靜默驚山鬼萬化參差世  
莫窮光壓水天無勢力吾眞三界得冲融放心天下無違礙四  
大神洲飲幾鍾雖說東坡眞上士足知大定勝元豐古今諸勝  
釣鼈手不論泥沙碎鐵銅以道持身功行滿大羅天上一家風

復用前韻

混元三界俯觀空隱隱仙山巨海中和氣流傳生瑞象清風明